

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Platz blünderung.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Ordnungen vnd Leer/

bey ihn heylen mög/schick sie also verkleidt hinein/odder nem ihn all ihren harnisch/wehr/vnnd was zur Ritterschafft fürderlich ist/verschaff das in solchs widerzuerholen geweret werd/Herz on waffen/schlecht sich selbs/woder Türck solchs nicht gethon/hett er bissher so viel Königreich/weder bekriegt/beherst noch behalten.

Platz blünderung.

Wann er nun aller sorg frey/soll er Reysigen vnnd Fußknechten/huren vnnd buben ein zeichen geben/den Schlachtplatz auffzuräumen/auch sonst kein frömbde zulassen/odder vor der Schlacht verkündet haben/die peut wöll er gemeinlich vor ihn allen auffheben vnnd auftheilen lassen/einem wie dem andern/vnnd wölcher eins hallers wert verzwickt/ohn alle gnad an einen Ast hengen/Also auch dem Hurenweibel ettlich zugeben/die im helfen sampt dem Troß darauff lauren/damitt die Knecht des vnuerhinderter allein acht haben/wie sie die feind nider legen/so sie jrs theils sicher gewertig sein.

Gefangne.

Die gefangne im Krieg selten tödten/sonder abwechseln/die vonn hohem stammen sein vnnd reicher haab/nach gelegenheyt der sachen die Knecht Ranzieren lassen/odder selbs von ihn lösen/ehrtlich nach ihrer würde halten odder ledig lassen/Die gemeyne vnnd arme ett wann zu Stett Burgern/oder Feldbaw gnädig behalten.

Endliche Sum̄ des Sigs.

In jeden nach seiner würde vnd verdienst/mit gold/harnisch/schwerd pferd/vnd ringen begaben/auch noch mehr hoffnung machen/zun geben vnnd ergezung.

Item die vmb gnad bitten/was würde oder Stands sie immer sein mögen/vorab so sie ihm nicht seer haben schaden mögen oder wöllten/soll er mit Fürstlicher miltigkheyt aufnehmen vnd huldien/die Rach ist Gottes/welche er durch seinen vnergründlichen Ratschlag mitt seinem werckzeug übt vber wen er will/seye im danckbar/damitt er den mißbrauchten vnmützen werckzeug/nicht auch ett wa im das feur seines erschrocklichen/vnentweichlichen zorns vnuersehenlich stürze/verhüte nach gewunnen Schlacht brandt vnnd andere wütende verheerung vnd Thierische grimmigkheyt/er sol senfft vnnd barmherzig sich freunden vnd feinden beweysen/Alte leut/wittfrauw/en/gemählete Jungfrawen/weysen vnnd armen/die geleerten vorab/
Leerer